

# 建籌僑華坡麻

## 會員委舍校校學中南化華中

### 號二四一話電內會公華中：處事辦

先生大鑒：敬啓者，十月廿四日，爲麻坡化南女校廿九週年紀念，本會受麻僑之託，負建校之責，爰於是日校慶，主辦書畫展覽大會，并舉行義賣，冀將各界所捐助者，充作建校基金。

竊麻坡於淪陷期間，僑領被屠，僑產被燬，犧牲損失之重，冠絕全馬各埠，光復以來，百廢待興，而教育尤爲當務之急。以故麻僑公立之最高學府中化兩校仍於浩劫後勉力復辦。唯戰後學童激增，竟突破三千紀錄，原有校舍不敷容納，而莘莘學童尤不忍令其向隅興嘆。百計思維，唯有從速籌建校舍，藉以彌補缺憾。此次化南校慶，本會所以舉辦書畫義展，目的在作將伯之呼，藉爲兩校籌募建築基金。茲謹定本月廿四，廿五，廿六三日，爲書畫義展之期，素仰

先生領袖一方，熱心僑教，爰敢不揣冒昧，敬聘 台端爲本展覽大會名譽主席，茲謹附上大會名譽券一張，品目一單，宣言一紙，到希察收。并盼

先生屆期親臨指導，并攜券到會選擇書畫一幅，藉留紀念，而襄成義舉，實不勝拜企之至，肅肅敬請

### 台安

麻坡華僑籌建  
中華化南  
中學校校舍委員會啓

中華民國卅六年十月二十日

